

文選正文

山子點

八

文
166₉

920.42
2408
Vol. 9

文選正文卷之八

不

郎

七類

七發八首

枚乘

行啓記
意文庫
印

楚太子有疾而吳客往問之曰伏聞太子玉體不安亦少間乎太子曰憊謹謝客客因稱曰今時天下安寧四字和平太子方富於年意者久就安樂日夜無極邪氣襲逆中若結轡紛屯澹淡嘯唏煩醒惕惕怵怵不得瞑虛中重聽惡聞人聲精神越渫百病咸生聰明眩曜悅怒不平久執不廢人命乃傾太子豈有是乎太子曰謹謝客賴君之力時時有之然未至於是也客曰今夫貴人之子必宮居而閨處內有保母外有傅父欲交無所飲食則溫淳甘麤腥醲肥厚衣裳則雜

選曼煖燁爍熱暑雖有金石之堅猶將銷鑠而挺解也況其在筋骨之間乎哉故曰縱耳目之欲恣支體之安者傷血氣之和且夫出與入替命曰廢痿之機洞房清宮命曰寒熱之媒皓齒蛾眉命曰伐性之斧甘脆肥膿命曰腐腸之藥今大子膚色靡曼四支委隨筋骨挺解血脈淫濯手足惰恣越女侍前齊姬奉後往來遊讌縱恣乎曲房隱閉之中此甘餐毒藥戲猛獸之爪牙也所從來者至深遠淹滯永久而不廢雖令扁鵲治內巫咸治外尚何及哉今如太子之病者獨宜世之君子博見強識承閒語事變度易意常無離側以爲芻蕘淹沉之樂浩盪之心遁佚之志其奚由至哉太子曰諾病已請事此言

卷之八

客曰今太子之病可無藥石鍼刺灸療而已可以要言妙道說而去也不欲聞之乎太子曰僕願聞之客曰龍門之桐高百尺而無枝中鬱結之輪菌根扶疏以分離上有千仞之峯下臨百丈之谿湍流遡波又澹淡之其根半死半生冬則烈風漂霰飛雪之所激也夏則雷霆霹靂之所感也朝則鷓鴣黃鵠鳴焉暮則羈雌迷鳥宿焉獨鶴晨號乎其上鷓鴣哀鳴翔乎其下於是背秋涉冬使琴擊斫斬以爲琴野蘭之絲以爲絃孤子之釣以爲隱九寡之珥以爲約使師堂操暢伯牙爲之歌歌曰麥秀漸兮雉朝飛向虛壑兮背槁槐依絕區兮臨迴溪飛鳥聞之翕翼而不能去野獸聞之垂耳而不能行蛟螭蟻蟻聞之拄喙而不能前此亦天下之至悲也太子能

彊起聽之乎太子曰僕病未能也

客曰物牛之腴菜以筍蒲肥狗之和冒以山膚楚苗之食安胡之飯搏之不解一啜而散於是使伊尹煎葵易牙調和熊蟠之膾勺藥之醬薄者之炙鮮鯉之膾秋黃之蘇白露之茹蘭英之酒酌以滌口山梁之餐參豹之胎小飯大飲如湯沃雪此亦天下之至美也太子能彊起嘗之乎太子曰僕病未能也

客曰鍾岱之牡齒至之車前似飛鳥後類駟虛稻麥服處蹠中煩外羈堅轡附易路於是伯樂相其前王良造父爲之御秦缺樓季爲之右此兩人者馬佚能止之車覆能起之於是使射干鎡之重爭千里之逐此亦天下之至駿也太子能彊起而乘之乎太子曰僕病未能也

客曰既登景夷之臺南望荆山北望汝海左江右湖其樂無有於是使博辯之士原本山川極命草木比物屬事離辭連類浮游覽觀乃下置酒於虞懷之宮連廊四注臺城層構紛紜玄綠輦道邪交黃池紆曲溷章白鷺孔雀鸚鵡鸚鵡鸚鵡翠鸞紫纓螭龍德牧邕邕羣鳴陽魚騰躍奮翼振鱗淑濤壽蓼蔓草芳苓女桑河柳素葉紫葦苗松豫章條上造天梧桐并間極望成林衆芳芬鬱亂於五風從容猗靡消息陽陰列坐縱酒蕩樂娛心景春佐酒杜連理音滋味雜陳肴糝錯設練色娛目流聲悅耳於是乃發激楚之結風揚鄭衛之皓樂使先施徵舒陽文段干吳娃閭嫵傅予之徒雜裾垂髻日窈

心與偷流波雜杜若蒙清塵被蘭澤嫵服而御此亦天下之靡麗皓侈廣博之樂也太子能彊起游乎太子曰僕病未能也

客曰將爲太子馴騏驥之馬駕飛輪之輿乘牡駿之乘右夏服之勁箭左烏號之雕弓游涉乎雲林周馳乎蘭澤弭節乎江濤掩青嶺遊清風陶陽氣蕩春心逐狡獸集輕禽於是極犬馬之才困野獸之足窮相御之智巧恐虎豹憎鷙鳥逐馬鳴鏃魚跨麋角履游鷹兔踏踐麋鹿汗流沐墜兔伏陵窘無創而死者固足充後乘矣此投獵之至壯也太子能彊起游乎太子曰僕病未能也然陽氣見於眉宇之間侵淫而上幾滿大宅客見太子有悅色也遂推而進之曰冥火薄天兵車

雷運旂假寒羽旄蕭粉馳騁角逐暮味爭先微墨廣博觀望之有圻純粹今犧獻之公門太子曰善願復聞之客曰木旣於是榛林深澤煙雲圃漠兕虎竝作殺武孔猛袒躬身薄白刃磴磴矛戟交錯收穫掌功賞賜金帛掩蘋肆若爲牧人席旨酒嘉肴羞飽膾炙以御賓客酒觸竝起動心驚耳誠心不悔決絕以諾貞信之色彤于金石高歌陳唱萬歲無斃此真太子之所喜也能彊起而遊乎太子曰僕甚願從直恐爲諸大夫累耳然而有起色矣

客曰將以八月之望與諸侯遠方交遊兄弟竝往觀濤乎廣陵之曲江至則未見濤之形也徒觀水力之所到則卬然足以駭矣觀其所駕軼者所擢拔者所揚汨者所溫汾者所滌

汜者雖有心略辭給固未能縷形其所由然也况兮忽兮聊
兮慄兮混汨汨兮忽兮恍兮倏兮儻兮浩漭漭兮慌曠曠兮
秉意乎南山通望乎東海虹洞兮蒼天極慮乎崖浹流攬無
窮歸神日母汨乘流而下降兮或不知其所止或紛紜其流
折兮忽繆往而不來臨朱汜而遠逝兮中虛煩而益怠莫誰
散而發曙兮內存心而自持於是淥漑曾中灑練五藏澹澹
手足顛濯髮齒掄棄怙怠輸寫洪濁分汰孤疑發皇耳目當
是之時雖有淹病滯疾猶將伸偃起蹙發瞽披聾而觀望之
也況直眇小煩懣醒醲病酒之徒哉故曰發蒙解惑不足以
言也太子曰善然則濤何氣哉客曰不記也然聞於師曰似
神而非者三疾雷聞百里江水逆流洶水上潮山出內雲日

夜不止衍溢漂疾波活而濤起其始起也洪淋淋焉若白鷺
之下翔其少進也浩浩澄澄如素車白馬帷蓋之張其波涌
而雲亂擾擾焉如三軍之騰裝其旁作而奔起也飄飄焉如
輕車之勒兵六駕蛟龍附從太白純馳浩峴前後駱驛駘駘
叩叩楛楛彊彊莘莘將將壁壘重壘齊雜似軍行訇隱訇磕
軋盤涌喬原不可當觀其兩傍則滂渤怫鬱閭漠感突上擊
下待有似勇壯之卒突怒而無畏蹈壁衝津窮曲隨隈踰岸
出遭遇者死當者壞初發乎或圍之津涯芟軫谷分迴翔青
簷鉤枚檀桓弭節伍子之山通厲骨母之場凌赤岸篳扶桑
橫奔似雷行誠奮厥武如振如怒沌沌渾渾狀如奔馬混混
庵庵聲如雷鼓發怒危杳清升踰蹠侯波奮振合戰於藉藉

之口鳥不及飛魚不及迴獸不及走紛紛翼翼波涌雲亂蕩
取南山背擊北岸覆巖丘陵平夷西畔險險戲戲崩壞陂池
決勝乃罷滌汨潺湲披揚流灑橫暴之極魚鼈失勢顛倒
側沈沈爰爰蒲伏連延神物怪疑不可勝言直使人踣焉洄
閤悽愴焉此天下怪異詭觀也太子能彊起觀之乎太子曰
僕病未能也

客曰將爲太子奏方術之士有資略者若莊周魏牟楊朱墨
翟便娟詹何之倫使之論天下之精微理萬物之是非孔教
覽觀孟子籌之萬不失一此亦天下要言妙道也太子豈欲
聞之乎於是太子據几而起曰渙乎若聽聖人辨士之言
溼然汗出霍然病已

七啓

曹植

昔枚乘作七發傅毅作七激張衡作七辨崔駰作七依辭各
美麗余有慕之焉遂作七啓并命上策作焉

玄微子隱居大荒之庭飛趣離俗澄神定靈輕祿傲貴與物
無營耽虛好靜羨此永生獨馳思乎天雲之際無物象而能
傾於是鏡機子聞而將往說焉駕超野之駟乘追風之典經
迥漠出幽墟入乎泱泱之野遂屈玄微子之所居其居也左
激水右高岑背洞溪對芳林冠皮弁被文裘出山岫之潛穴
倚峻崖而嬉遊志飄飄焉嘒嘒焉似若狹六合而隘九州若
將飛而未逝若舉翼而中聞於是鏡機子攀葛藟而登此巖
而立順風而稱曰予聞君子不遜俗而遺名智士不肯世而

滅勳今吾子棄道藝之華遺仁義之英耗精神乎虛廓廢人
事之紀經譬若畫形於無象造響於無聲未之思乎何所規
之不通也玄微子俯而應之曰嘻有是言乎夫太極之初渾
沌未分萬物紛錯與道俱隆蓋有形必朽有跡必窮昔昔元
氣誰知其終名穢我身位累我身竊慕古人之所志仰古聖
之遺風假靈龜以託喻寧掉尾於塗中鏡機子曰夫辯言之
豈能使窮澤生流枯木發榮庶感靈而激神況近在乎人情
僕將爲吾子記遊觀之至娛演聲色之妖靡論變化之至妙
敷道德之弘麗願聞之乎玄微子曰吾子整身倦世探隱拯
沉不遠遐路幸見光臨將敬滌耳以聽玉音

鏡機子曰芳拔精神霜蓄露葵玄熊素膚肌參臙肌蟬真之
剗剗繼折微累如塵穀離若散雪輕隨風飛刃不轉切山窮
斥鷃珠翠之珍寒芳冷之巢龜膾西海之飛鱗雁江東之潛
鼉虜漢南之鳴鶴糝以芳酸甘和旣醇玄冥適鹹薄收調辛
紫蘭丹椒施和必節滋味旣殊遺芳射越乃有春清縹酒康
狄所營應化則變感氣而成擘微則苦發叩宮則甘生於是
盛以翠樽酌以彫觴浮蟻鼎沸酷烈馨香可以和精神可以娛
腸此肴饌之妙也子能從我而食之乎玄微子曰予甘藜藿
未暇此食也

鏡機子曰步光之劍華藻繁縟飾以文犀彫以翠線綴以驪
龍之珠錯以荆山之玉陸斷犀象未足稱儔隨波低瀉水不
漸刃九旒之冕散耀垂文華組之纓從風紛紜佩則結綠懸

黎實之妙微符采照爛流景揚輝黼黻之服紗縠之裳金華
之鳥動趾遺光繁飾參差微解若霜緄珮綢繆或步或錯薰
以幽若流芳肆布雍容閑步周旋馳耀南威爲之解顏西施
爲之巧笑此容飾之妙也子能從我而服之乎玄微子曰予
好毛褐木屐此服也

鏡機子曰馳騁足用蕩思遊獵可以娛情僕將爲吾子駕雲
龍之飛駟飾玉輅之繁纓垂宛虹之長綫抗招搖之華於其
忘歸之矢秉繁羽之方忽躡景而輕驚逸奔驟而超遺風於
是礮填谷塞榛藪平夷綠山置目彌野張翠下無漏跡上無
逸飛鳥集獸屯然後會圍狝徒雲布武騎霧散丹旗曜野戈
交皓中曳文狐掩殺兎捎鷓鴣拂振鷺當軌見藉值足邁踐

飛軒電逝獸隨輪轉翼不暇張足不及騰動觸飛鋒舉挂輕
層搜林索險探溥窮阻騰山赴壑風厲焱舉機不虛發中必
飲羽於是人稠網密地逼勢脅掌闕之獸張牙奮鬣志在觸
突猛氣不懈乃使北宮東郭之疇生拙豹尾分裂狐肩形不
抗手骨不隱拳批熊碎掌拉虎摧血野無毛類林無羽羣積
獸如陵飛翮成雲於是賦鐘鳴鼓收絃弛旆頰網縱綱罷獠
迴邁駿驟齊驥揚鑿飛沫俯倚金鞍仰撫翠蓋雍容暇豫娛
志方外此羽獵之妙也子能從我而觀之乎玄微子曰余業
恬靜木屐此觀也

鏡機子曰閑宮顯敞雲屋皓肝崇景山之高基迎清風而立
觀彤軒紫柱文榭華梁綺井含葩金暉玉箱溫房則冬服絺

絃清室則中夏含霜華閣緣雲飛陞凌虛颯眺流星仰觀八
隅升龍攀而不逮眇天際而高居繁巧神怪變名異形明輪
無所指其斧斤離婁爲之失時麗草交植殊品詭類綠葉朱
榮熙天曜日素水盈沼叢木成林飛翮陵高鱗甲隱深於是
逍遙吸豫忽若忘歸乃使任子垂釣魏氏發機芳餌沈水輕
緞弋飛落翳雲之翔鳥援九淵之靈龜然後采菱華擢水蘋
弄珠蚌戲鮫人諷漢廣之所詠覲遊女於水濱耀神景於中
池被輕縠之織羅遺芳烈而靖步抗皓手而清歌歌曰望雲
際兮有好仇天路長兮往無由佩蘭蕙兮爲誰修宴婉絕兮
我心愁此宮館之妙也子能從我而居之乎玄微子曰予耽
巖穴未暇此居也

鏡微子曰既遊觀中原逍遙閑宮情放志蕩淫樂未終亦將
有才人妙妓遺世越俗揚北里之流聲紹陽阿之妙曲爾乃
御文軒臨洞庭琴瑟交揮左篋右笙鐘鼓俱振簫管齊鳴然
後姣人乃被文縠之華袿振輕綺之飄颻戴金搔之熠熠揚
翠羽之雙翹揮流芳耀飛文歷盤鼓煥繽紛長裾隨風悲歌
入雲躡捷若飛蹈虛遠蹠凌躍超曠蛇蟬揮霍翔爾鴻翥滅
然竟沒縱軀體以迅赴景追形而不逮飛聲激塵依違厲響
才捷若神形難爲象於是爲歡未溲白日西頽散樂變飾微
步中閨玄眉弛兮鈿華落收亂髮兮拂蘭澤形媚服兮揚幽
若紅顏宜笑踟眊流光時與吾子攜手同行踐飛除卽閑房
華燭爛帷幙張動朱唇發清商揚羅袂振華裳九秋之夕爲

歡未央。此聲色之妙也。子能從我而遊之乎。玄微子曰。予願清虛未暇。此遊也。

鏡機子曰。予聞君子樂奮節以顯義。烈士其危軀以成仁。是以雄俊之徒。交黨結倫。重氣輕命。感分遺身。故田光伏劍於北燕。公叔畢命於西秦。果毅輕斷。虎步谷風。威懼萬乘。卒夏稱雄。辭未及終。而玄微子曰。善。鏡機子曰。此乃游俠之徒耳。未足稱妙也。若夫出文無忘之儔。乃上古之俊公子也。皆飛仁揚義。騰躍道藝。遊心無方。抗志雲際。凌轢諸侯。驅馳當世。揮袂則九野生。風慷慨則氣成。虹蜺吾子。若當此之時。能從我而友之乎。玄微子曰。予亮願焉。然方於大道。有累如何。鏡機子曰。世有聖宰。翼帝霸世。同量乾坤。等曜日月。玄化參

神。與靈合契。惠澤播於黎苗。威靈震乎無外。超隆平於殷周。踵羲皇而齊泰。顯朝惟清。王道遐均。民望如草。我澤如春。河濱無洗耳之士。喬嶽無巢居之民。是以俊乂來仕。觀國之光。輿不遺才。進各異方。讚典禮於辟雍。講文德於明堂。正流俗之華說。綜孔氏之舊章。散樂移風。國富民康。神應休臻。屢獲嘉祥。故甘露紛而晨降。景星宵而舒光。觀游龍於神淵。聆鳴鳳於高岡。此霸道之至隆。而雍熙之盛際。然主上猶以沉恩之未廣。懼聲教之未厲。采英奇於仄陋。宣皇明於巖穴。此甯子商歌之秋。而呂望所以投綸而逝也。吾子爲太和之民。不欲仕陶唐之世乎。於是玄微子攘袂而興。曰。鞞哉言乎。近者吾子所述。華淫欲。以厲我。祇攬予心。至聞天下。穆清明君。莅

國覽盈虛之正義知頑素之迷惑今予廓爾身輕若飛願及
初服從子而歸

七命八首

張協

冲漠公子含華隱躬嘉遯龍盤翫世高蹈游心於浩然玩志
乎衆妙絕景乎大荒之遐阻吞響乎幽山之窮奧於是狗華
大夫聞而造焉乃勃雲輅騖飛黃越奔沙輾流霜凌扶搖之
風躡堅冰之津旌拂霄垓軌出蒼垠天清冷而無霞野曠明
而無塵臨重岫而攬轡顧石室而廻輪遂適冲漠之所居其
居也崢嶸幽藹蕭瑟虛玄濱海渾濩涌其後嶰谷唧嘈張其
前尋竹竦葦蔭其壑百籟羣鳴聾其山衝風發而廻日飛礫
起而麗天於是登絕巘溯長風陳嶺惑之辭命公子於巖中

曰蓋聞聖人不卷道而肯時智士不遺身而匿跡生必耀華
名於玉牒沒則勒洪伐於金冊今公子違世陸沈遊地獨窟
有生之歡滅資父之義廢愁洽百年苦溢千歲何異促鱗之
游汀滄短羽之棲翳會今將榮子以天人之大寶悅子以縱
性之至娛窮地而遊中天而居傾四海之歡殫九州之腴鑽
屈轂之瓠解疏屬之拘子欲之乎公子曰大夫不遺來萃荒
外雖在不敏敬聽嘉話

大夫曰寒山之桐出自太冥含黃鐘以吐翰據蒼岑而孤生
既乃瓊巘嶒峻金岸啤啼左當風谷右臨雲谿上無凌虛之
巢下無跣實之蹊搖刑峻挺蒼邈若峴嵒三春之溢露邈九
秋之鳴飈零雪寫其根霏霜封其條木旣繁而後綠草未素

而先凋於是構雲梯陟崢嶸翦樊賓之陽柯剖大呂之陰莖
營匠斷其樸伶倫均其聲器舉樂奏促調高張音朗號鐘韻
清繞梁追逸響於八風采奇律於歸昌啟中黃之少宮發葦
收之變商若乃龍火西頽暄氣初收飛霜迎節高風送秋羈
旅懷工之徒流宕百罹之時撫促柱則酸鼻揮危絃則涕流
若乃追清哇赴嚴節奏綠水吐白雪激楚廻流風結悲蕤
之朝蒸悼笙舒之夕缺笑琴爲之擗標婦老爲之嗚咽王子
拂纓而傾耳六馬噓天而仰秣此蓋音曲之至妙子豈能從
我而聽之乎公子曰予病未能也

大夫曰蘭宮秘宇雕堂綺檻雲屏爛汗瓊瑩青蔥應門八襲
旋臺九重表以百常之闕闕以萬雉之墉爾乃曉樹迎風秀

出中大翠觀岑青雕閣霞連長翼臨雲飛陞陵山望玉繩而
結繩承倒景而開軒頽素炳煥粉拱嵯峨陰虬負檐陽馬承
阿錯以瑤英鏤以金華方疏舍秀圓井吐葩重殿疊起交綺
對棐幽堂晝密明室夜朗焦螟飛而生風尺蠖動而成響若
乃日厭常玩體倦惟幄携公子而雙遊時娛觀於林麓登翠
阜臨丹谷華草錦繁飛采星燭陽葉春青陰條秋綠萃實代
新承意恣觀仰折神籟俯采朝蘭迴惠風於蘅薄春椒塗於
瑤壇爾乃浮三翼戲中泚潛鯁駭驚翰起沈絲結飛增理挂
歸翮於赤霄之表出華鱗於紫淵之裏然後縱棹隨風弭楫
乘波吹孤竹拊雲和淵客唱淮南之曲榜人奏采菱之歌歌
曰乘鳧舟兮爲水嬉臨芳洲兮拔雲芝樂以忘戚遊以卒時

窮夜爲日畢歲爲期此蓋宴居之浩麗子豈能從我而處之乎公子曰予病未能也

大夫曰若乃白商素節月旣授衣天凝地閉風厲霜飛柔條
交勁密葉長稀將因氣以效殺臨金郊而講師爾乃列輕武
整戎剛建雲髦啓雄芒駕紅陽之飛鸞駟唐公之鸞鷟屯羽
隊於外林縱輕翼於中荒爾乃布飛羅張脩良陵黃岑挂青
繒畫長壑以爲限帶流谿以爲關旣乃內無踈蹊外無漏跡
叩鉦數校舉麾旌獲穀金機馳鳴鏑剪剛豪落勁翮車騎競
騫駢武齊轍翕忽揮霍雲迴風列聲動響飛形移景發車戈
林疎揮鋒電滅仰傾雲巢俯殫地穴乃有圓文之研與題之
縱鼓鬣風生怒目電駭口噉霜刃足撥飛鋒亂林蹶石扣跋

幽叢於是飛黃奮銳賁石逞伎感封豨償馮豕壯虺虺挂獬
廌句爪摧鋸牙押瀾漫狼藉傾榜魚壑頽齒挂山僧踏掩澤
藪爲毛林隰爲丹薄於是撤圍頓門卷旆收爲虞人數獸林
衡計鮮論最犒歎息馬驚弦肴馴連鑣酒駕大軒千鍾電鱗
萬燧星繁陵阜霜流膏谿谷厭芳煙歡極樂上迴節而旋此
亦田遊之壯觀子豈能從我而爲之乎公子曰余病未能也
大夫曰楚之陽劍歐冶所營耶谿之鋌赤山之精劍踰羊頭
鑊越鍛成乃鍊乃鑠萬辟千灌豐隆奮椎飛廉扇炭神器化
成陽文陰縵流綺星連浮彩益發光如散電質如耀雪霜鏗
水凝冰刃露潔形冠豪曹名珍巨闕指鄭則三軍白首麾晉
則千里流血豈徒水截蛟鴻陸灑奔駟斷浮翮以爲工絕重

甲而稱利云爾而已哉。若其靈寶則舒辟無方，奇鋒異模，形震薛燭，光駭風胡，價兼三鄉，聲貴一都。或馳名傾秦，或夜飛去吳，是以功冠萬載，威馳無窮。揮之者無前擁之者，身雖可。以從服九國，橫制八戎。八牙景附，函夏承風。此蓋希世之神兵，子豈能從我而服之乎？公子曰：余病未能也。

大夫曰：天驥之駿逸，熊超越，稟氣靈淵，受精皎月，眸矚黑照。玄采紺發，沫如揮紅汗，如振血秦，青不能識其象，尺方埋不能覩其若滅。爾乃山雲軒踐，朝霧赴春，循整秋御，虬踊螭騰。麟超龍翥，望山載奔，視林載赴，氣盛怒發，星飛電駭，志陵九州，勢越四海，影不及形，塵不暇起。浮箭未移，再踐千里，爾乃踰天垠，越地隔，過汗漫之所不游，躡章亥之所未跡。陽鳥爲

之頓羽，夸父爲之投策，斯蓋天下之備乘。子豈從我而御之乎？公子曰：余病未能也。

大夫曰：大梁之黍，瓊山之禾，唐稷播其根，農帝嘗其華。爾乃六禽殊珍，四膳異肴，窮海之錯，極陸之毛。伊公爨鼎，苞子揮刀，味重九沸，和兼勺藥。晨鳧露鵠，霜菊黃雀，圓按星亂，方丈華鉞，封熊之躡，翰音之跼，鷲髀猩脣，髦殘象白，靈淵之龜，萊黃之鮐，丹穴之鸚，玄豹之胎，彈以秋橙，醅以春梅，接以商王之箸，承以帝辛之杯。范公之鱗，出自九溪，賴尾丹鯁，紫翼青馨，爾乃命支離，飛霜鏘，紅肌綺散，素膚雪落，婁子之。果漢臯之棲，析龍眼之房，剖椰子之殼，芳旨萬選，承意代奏。

乃有荆南鳥程豫北竹葉浮蟻星洲飛華萍接玄石膏其味
儀氏進其法傾囂一朝可以流酒千日單醪投川可使三軍
告捷斯人神之所歆羨觀聽之煒甲也子豈能強起而御之
乎公子曰耽口爽之饌其腊毒之味服腐腸之藥御亡國之
器雖子大夫之所榮故亦吾人之所畏余病未能也
大夫曰蓋有晉之融皇風也金華啟微大人有作繼明代照
配天光宅其基德也降於姬公之處岐其垂仁也富乎有殷
之在亳南箕之風不能暢其化離畢之雲無以豐其澤皇道
煥炳帝載緝熙氣以樂宣德以詩教清於雲官之世治
乎鳥紀之時土猷四塞雨夏謐寧丹寘投烽青微釋氣馬
於糞車之轅銘德於昆吾之鼎羣萌反素時文載郁耕父推

所魚豎讓陸樵天恥危冠之飾典臺笑短後之服六合時已
巍巍蕩蕩玄鄙巷歌黃髮擊壤解羲皇之繩錯陶唐之象若
乃華裔之夷流荒之貊語不傳於輶軒地不被乎正朔莫不
駿奔稽顙委質重譯于時昆蛟感惠無思不擾苑戲九尾之
禽囿棲三足之鳥鳴鳳在林夥於黃帝之園有龍游淵盈於
孔甲之沼萬物烟熅天地交泰義懷靡內化感無外林無破
褐山無草帶皆象刻於百工兆發乎靈蔡指紳濟濟軒冕藹
藹功與造化爭流德與二儀比大言未終公子蹶然而興曰
鄙夫固陋守此狂狷蓋理有毀之而爭寶之訟解言有怒之
而齊王之疾痊向子誘我以董甘之樂棲我以郢家之屋且
遊馳蕩利刃駿足既老氏之攸戒非吾人之所欲故靡得而

應子至聞皇風載馳時聖道淳舉實為秋涿燕為春下有可
封之民上有大哉之君余雖不敏請尋後塵

詔類

漢武帝

詔曰蓋有非常之功必待非常之人故馬或奔蹏而致千里
士或有負俗之累而立功名夫泛駕之馬跡馳之士亦在御
之而已其令州縣察吏民有茂才異等可為將相及使絕國
者

賢良詔

漢武帝

朕聞昔在唐虞畫象而民不犯日月所燭莫不率俾周之成
康刑銷不用德及鳥獸教通四海海外肅慎北發渠搜氏羌
來服星辰不孛日月不蝕山陵不崩川谷不塞麟鳳在郊藪
河洛出圖書嗚呼何施而臻此乎今朕獲奉宗廟夙興以求
夜寐以思若涉淵水未知所濟猗歟偉歟何行而可以彰先
帝之洪業休德上參堯舜下配三王朕之不敏不能遠德此
子大夫之所覩聞也賢良明於古今王事之體受策祭問咸
以書對著之于篇朕親覽焉

冊類

冊魏公九錫文

潘昂

制詔使持節丞相領冀州牧武平侯朕以不德少遭閔凶越
在西上遷于唐衛當此之時若綴旒然宗廟乏祀社稷無位
羣凶覬覦連帶城邑一人尺土朕無獲焉卽我高祖之命將

墜於地朕用夙興假寐震悼于厥心曰惟祖惟父股肱先正其孰恤朕躬乃誘天衷誕育丞相保乂我皇家弘濟于艱難朕實賴之今將授君典禮其敬聽朕命昔者董卓初興國難羣后釋位以謀王室君則攝進首啟戎行此君之忠於本朝也後及黃巾反易天常侵我三州延于平民君又討之剪除其跡以寧東夏此又君之功也韓暹楊奉專用威命又賴君勳尅黜其難遂建許都造其京畿設官兆祀不失舊物天地鬼神於是獲乂此又君之功也袁術僭逆肆于淮南備憚君靈用丕顯謀斬陽之役橋蕤授首稜威南厲術以殞潰此又君之功也廼戈東指呂布就戮乘軒將返張揚沮鼂眭固伏罪張繡稽伏此又君之功也袁紹逆常謀危社稷憑恃其衆

稱兵內侮當此之時王師寡弱天下寒心莫有固志君執大節精貫白日奮其武怒運諸神策致屈官渡大殲醜類俾我國家拯於危墜此又君之功也濟師洪河拓定四州袁譚高幹咸梟其首海盜奔迸黑山順軌此又君之功也烏丸三種崇亂二世袁尚因之逼據塞北東馬懸車一征而滅此又君之功也劉表背誕不供貢職王師首路威風先逝百城八郡交臂屈膝此又君之功也馬超成宜同惡相濟濱據河潼求所逞欲殄之渭南獻馘萬計遂定邊城撫和戎狄此又君之功也鮮卑丁令重譯而至單于白屋請吏帥職此又君之功也君有定天下之功重以明德班敘海內宣美風俗勞施勤教恤慎刑獄吏無苛政民不回慝敦崇帝族授繼絕世舊德

前功罔不成。秋雖伊尹格于皇天。周公光于四海。友之茂如也。朕聞先王竝建明德。膺之以上。分之以民。崇其寵章。備其禮物。所以蕃衛王室。左右厥世也。其在周成。管蔡不靖。懲難念功。乃使邵康公錫齊太公履。東至于海。西至於河。南至于穆陵。北至于無棣。五侯九伯。實得征之。世祚太師。以表東海。爰及襄王。亦有楚人不供。王職。又命晉文。登爲侯伯。錫以二格。虎賁。鈇鉞。桓弓。矢。人。啟。南陽。世作盟主。故周室之不壞。繫一國之是賴。今君稱不顯德。明保朕躬。奉答天命。導揚弘烈。綏爰九域。罔不率俾。功高乎伊周。而賞卑乎齊晉。朕甚慙焉。朕以眇身。託于兆民之上。永思厥艱。若涉淵水。非君攸濟。朕無任焉。今以冀州之河東河內。魏郡趙國。中山鉅鹿。常山

安平。甘陵平原。凡七郡。封君爲魏公。使使持節御史大夫。慮授君印綬。冊書金虎符第一至第五。竹使符第一至第十。右錫君玄土。昔以白茅。爰契爾龜。用建冢社。昔在周室。畢公毛公。入爲卿佐。周邵師保。出爲二伯。外內之任。君實宜之。其以丞相領冀州牧。如故。今更下傳。璽。肅將朕命。以允華夏。其上故傳武平侯印綬。今又加君九錫。其敬聽後命。以君經緯禮律。爲民軌儀。使安職業。無或遷志。是用錫君大輅戎輅各一。玄牡一駟。君勸分務。不啻民。棘作粟。帛滯積。人業惟興。是用錫君衮冕之服。赤舄副焉。君敦尚謙讓。俾民興行。少長有禮。上下咸和。是用錫君軒懸之樂。六佾之舞。君翼宣風。化爰發四方。遠人回面。華夏充實。是用錫君朱戶。以居君。砥其明哲。

思帝所難官才任賢羣善必舉是用錫君納陛以登君秉國
之均正色處中纖毫之惡靡不抑退是用錫君虎賁之士三
百人君糾虔天刑章厥有罪犯關于紀莫不誅殛是用錫君
鈇鉞各一君龍驤虎視旁眺八維掩討逆節折衝四海是用
錫君彤弓一彤矢百茲弓十茲矢于君以溫恭爲基孝友爲
德明允篤誠感乎朕思是用錫君秬鬯一卣珪瓚副焉魏國
置丞相以下羣卿百僚皆如漢初諸王之制君往欽哉敬服
朕命簡恤爾衆時亮庶功用終爾顯德對揚我高祖之休命
令類

宣德皇后令

任昉

宣德皇后敬問具位夫功在不賞故庸勳之典蓋闕施俾造
物則謝德之途已寡要不得不彊爲之名使空宰有寄公實
天生德齊聖廣淵不改參辰而九星仰止不易日月而一儀
貞觀在昔晦明隱鱗最真博通羣籍而讓齒乎一卷之師劍
氣凌雲而屈迹於萬夫之下辯析天口而似不能言文擅雕
龍而成輒削藁爰在弱冠首應弓旌客遊梁朝則聲華籍甚
薦名宰府則延譽自高隆昌季年勤王始著建武惟新締構
斯在功隆賞薄嘉庸莫疇一馬之田介山之志愈厲八百之
秩大樹之號斯存及擁旄司部代馬不敢南牧推轂獎鄧胡
塵罕嘗夕起惟彼狡童窮凶極虐衣冠泯絕禮樂崩喪旣而
鞠旅誓衆言謀王室白羽一麾黃鳥底定甲旣鱗下車亦瓦
裂致天之屈拱揖羣后豐功厚利無得而稱是以祥光總至

休氣四塞五老遊河飛星入昴元功茂勳若斯之感而地狹
乎四履勢卑乎九伯帝有恩焉輜軒華止今遣某位某甲等
率茲百辟人致其誠庶匪席之旨不遠而復

教類

為宋公修張良廟教

傅亮

綱紀夫盛德不泯義存祀典微曾之歎撫事彌深張子房道
亞黃中照臨始庶風雲玄感蔚為帝師夷項定漢大拔橫流
固已參軌伊望冠德如仁若乃神交圯上道契商洛顯默之
際宵然難究淵流浩漭莫測其端矣塗次舊浦佇駕留城靈
廟荒頓遺像陳昧撫跡懷人永歎寔深過大梁者或存想於
夷門遊九原者亦流連於隨會擬之若人亦足以云可改構

棟宇修飾丹青顯繁行潦以時致薦抒懷古之情存不刊之
烈士者施行

為宋公修楚元王墓教

傅亮

綱紀夫褒賢崇德千載彌光尊本敬始義隆自遠楚元王積
仁基德啓藩斯境素風道業作範後昆本支之祚實隆鄴宗
遺芳餘烈奮乎百世而丘封翳然墳塋莫覯感遠存往慨然
永懷夫愛人懷樹甘棠且猶勿翦追甄墟墓信陵尚或不泯
況瓜瓞所興開源自本者乎可蠲復近墓五家長給灑掃便
可施行

文類

永明九年策秀才文五首

王融

問秀才高第明經。朕聞神靈文思之君。聰明聖德之后。體道而不居。見善如不及。是以嘽囑有順風之請。華封致乘雲之拜。或揚旌求士。或設筵待賢。用能敷化。一時餘烈。千占辰寅。奉天命。恭惟永圖。審聽高居。載懷祇懼。雖言事必更。而象闕未歲。寤寐嘉猷。延佇忠實。子大夫選名。升學利用。賓王懋陳。三道之要。以光四科之首。鹽梅之和。屬有望焉。

又問。昔周宣憤千畝之禮。虢公納諫。漢文缺三推之義。賈生直言。良以食惟民天。農爲政本。金湯非粟。而不守。水旱有待。而無遷。朕式照前經。寶茲稼穡。祥正而青旗肅事。土膏而朱紘戒典。將使香花苜蓿。耕穫不愆。清飢冷風。連遭無廢。而釋耒佩牛。相浴莫反。兼貧擅富。浸以爲俗。若爰井。開制懼驚。擾

愚民。屬鹵可朕。恐時無史。白典廢之。術矢陳厥謀。

又問。議獄緩死人。易深規敬法。卹刑虞書。茂典自氓。俗澆弛法。令滋彰。肺石少不寃之民。棘林多夜哭之鬼。朕所以明發動容。具食典。慮傷秋荼之密。網惻夏日之嚴威。永念畫社。繩追刑厝。徒以百鍤輕科。及行季葉。四支重罰。爰創前古。訪游禽於絕澗。作霸秦基。歌雞鳴於闕下。稱仁漢牘。一途如夾。卽用兼通。昌言所安。朕將親覽。

又問。聚人口財。次政日貨。泉流表其不匱。貿遷通其有無。旣龜貝積寢。縉纒專用。世代茲多。銷漏參倍。下貧無兼辰之業。中產闕滄歲之貲。惟瘼卹隱。無捨矜歎。上帝溥臨。賜朕休賈。命卽斜之谷。開而出銅。且有後命事。茲鎔範克。都內之金。緝

圓府之職。但亦及深。巧學之患。輸莢難輕。重之權。開塞所宜。悉心以對。又問治曆。明時昭遷革之運。改憲執法。審刑德之原。分命顯於唐官。文條炳於鄉說。及嘯夷廢職。昧谷虜方。漢秉素秋之徵。魏稱黃星之驗。紛爭空軫。疑論無歸。朕獲纂洪基。思弘至道。思令日月休徵。風雨玉燭。克明之旨。弗遠。欽若之義。復還於子。大人何如哉。其驪翰收色。寅丑殊建。別白書之。

永明十

年

卷

文

首

良

日

問秀才朕秉錄御天。握樞臨極。七辰空撫。九序未歌。至於思政。明臺訪道。宣室若墜。之惻。每勤如傷之念。恒軫故恤。貧緩賦省。徭慎獄宰。四境無虞。三秋式稔。而多黍多稌。不興兩穗之誦。無褐無衣。必盈七月之歎。豈布政未優。將罷民難業。登爾於朝。是屬宏議。罔弗同心。以匡厥辟。

又問。惟王建國。惟典命官。上叶星象。下符川嶽。必待大爵。具修人紀。咸事然後。訟才授職。揆務分司。是以百官。置於朱宣。下民不忒。九工開於黃序。庶績其凝。周官三百。漢位兼倍。歷茲以降。游惰寔繁。若閑冗卑。弃則橫議。無已。冕笏不澄。則坐談爛積。何則。可修善。詳其對。

又問。昔者賢牧。分陝良守。共治下邑。必樹其風。一鄉可以為績。至有且撫鳴琴。日置醇酒。文而無害。嚴而不殘。故能出人於貼危之域。躋俗於仁壽之地。是以賈誼言。天下之有惡吏之罪也。頃深汰珪符。妙簡銅墨。而春雉未馴。秋螟不散。人在

朕前奏其智略出連城守闕爾無聞豈新熈之道本弘焉網羅之日尚簡悉意正辭無侵執事

又問朕聞上智利民不述於禮大賢彊國罔圖惟善豈非撥飢不期於鼎食拯溺無待於規行是以三王異道而共昌五霸殊風而並烈今農戰不修文儒是競弃本徇末厥弊滋多昔宋臣以禮樂爲殘賊漢主比文章於鄭衛豈欲非聖無法將以旣道而權今欲專士女於耕桑習鄉閭以弓騎五都復而事庠序囚民富而歸文學其道奚若爾無面從

又問白晉氏不綱關河蕩析宋人失馭淮汴崩離朕思念舊民永言攸濟故選將開邊勞來安集加以納款通和布德修禮歌皇萃而遣使賦膏雨而懷寶所以關洛動南望之懷燕夷遠北歸之念夫危葉畏風驚禽易落無待干戈聊用辭辯片言而求三輔一說而定五州斯路何階人誰或可進謀誦志以沃朕心

天監三年策秀才文三首

任昉

問秀才朕長驅樊鄧直指商郊因籍時來乘此歷運當晨永念猶懷慚德何者百王之敝齊季斯甚衣冠禮樂掃地無餘雕斲列方經綸草昧採三王之禮冠履粗分因六代之樂宮判始辨而百度草創倉廩未實若終畝不稅則國用靡資百姓不足則惻隱深慮每時人芻蕘歲課田租愀然疚懷如憐赤子今欲使朕無滿堂之念民有家給之饒漸登九年之蓄稍法關市之賦子大夫當此二道利用賓王斯理何從佇聞

良說

問朕本自諸生弱齡有志閉戶自精開卷獨得九流七略頗
嘗觀覽六藝百家庶非牆面雖一日萬幾早朝宴罷聽覽之
暇三餘靡失土之化卜草偃風從惟此虛寡弗能動俗昔紫
衣賤服猶化齊風長纓鄙好日變鄉俗雖德惠在賢業優前
事日夫指紳道行祿利然也朕傾心駿骨非懼真龍輻輳青
紫如拾地芥而情游廢業一室而九鳴鳥度聞了衿不作弘
獎之路斯既然矣猶其寂寞應有良規

問朕立諫鼓設謗小於茲三年矣比雖輻輳闕下多非政要
日伏青蒲罕能切直將齊季多請風流遂往將謂朕空然慕
古虛受弗弘然自君臨萬寓介在民上何嘗以一言失旨轉
徙朔方昨毗有違論輸左授使直臣杜口忠讜路絕將恐弘
長之道別有末周悉意以陳極言無隱

表類

薦彌衡表

孔融

臣聞洪水橫流帝思俾乂旁求四方以招賢俊昔世宗繼統
將弘祖業疇咨熙載羣士響臻陛下睿聖纂承基緒遭遇厄
運勞謙日仄維嶽降神異人並出竊見處士平原彌衡年二
十四字正平淑質貞亮英才卓犖初涉藝文升堂觀奧日所
一見輒誦於口耳所暫聞不忘於心性與道合思若有神弘
罕潛計安世默識以衡準之誠不足怪忠果正直志懷霜雪
見善若驚疾惡若讐任座抗行史魚厲節殆無以過也鸞鳥

累百不如一鶚使衡立朝必有可觀飛辯騁辭溢氣全浦解
疑釋結臨敵有餘昔賈誼求試屬國詭係單于終軍欲以長
纓牽致勁越弱冠陳慨前代美之近日路粹嚴象亦用謀才
擢拜臺郎衡宜與爲比如得龍躍天衢振翼雲漢揚聲紫微
垂先虹蜺足以昭近署之多士增四門之穆穆鈞天廣樂必
有奇麗之觀帝室皇居必畜非常之寶若衡等輩不可多得
激楚陽阿至妙之容掌伎者之所貪飛兔騶黃絕足奔放良
樂之所急也臣等區區敢不以聞陛下篤慎取士必須効試
乞令衡以褐衣召見必無可觀采臣等受面欺之罪

出師表

諸葛亮

臣亮言先帝創業未半而中道崩殂今天下三分益州罷弊
此誠危急存亡之秋也然侍衛之臣不懈於內忠志之士
身於外者蓋追先帝之遇欲報之於陛下也誠宜開張聖聽
以光先帝遺德恢志士之氣不宜妄自菲薄引喻失義以塞
忠諫之路也宮中府中俱爲一體陟罰臧否不宜異同若有
作姦犯科及爲忠善者宜付有司論其刑賞以昭陛下平明
之治不宜偏私使內外異法也侍中侍郎郭攸之費禕董允
等此皆良實志慮忠純是以先帝簡拔以遺陛下愚以爲宮
中之事無大小悉以咨之然後施行必能裨補闕漏有所
廣益也將軍向寵性行淑均曉暢軍事試用於昔日先帝稱
之曰能是以衆議舉寵爲督愚以爲營中之事悉以諮之必
能使行陣和穆優劣得所也親賢臣遠小人此先漢所以興

隆也。親小人，遠賢士。此後漢所以傾頽也。先帝在時，每與臣論此事，未嘗不歎息痛恨於相斲也。侍中尚書長史參軍，此悉貞亮死節之臣也。願陛下親之信之，則漢室之隆可計。日而待也。臣本布衣，躬耕於南陽，苟全性命於亂世，不求聞達於諸侯。先帝不以臣卑鄙，猥自枉屈，顧臣於草廬之中，諮臣以當世之事，由是感激，遂許先帝以驅馳。後值傾覆，受任於敗軍之際，奉命於危難之間。爾來二十有五年矣。先帝知臣謹慎，故臨崩寄臣以大事也。受命以來，夙夜憂歎，恐託付不效，以傷先帝之明。故五月渡瀘，深入不毛。今南方已定，兵甲已足，當帥將領軍北定中原，庶竭駑鈍，攘除姦凶，興復漢室，還于舊都。此臣之所以報先帝而忠陛下之職分也。至於

求自試表

曹植

夫爵損益進盡忠言，則攸之禕允之任也。願陛下託臣以討賊興復之効，不効則治臣之罪，以告先帝之靈。若無興德之言，則戮允等以章其慢。陛下亦宜自謀，以咨詠善道，察納雅言。深追先帝遺詔，臣不勝受恩感激。今當遠離，臨表涕泣，不知所云。

臣植言。臣聞士之生世，入則事父，出則事君。事父尚於榮親，事君貴於興國。故慈父不能愛無益之子，仁君不能命無用之臣。夫論德而授官者，成功之君也；量能而受爵者，畢命之臣也。故君無虛授，臣無虛受。虛授謂之尸祿，詩之素餐所由作也。昔二虢不辭兩國之任，其德厚也。且與

不讓燕魯之封其功大也。今臣蒙國重恩三世于今矣。正值陛下升平之際。沐浴聖澤。滯潤德教。可謂厚幸矣。而位竊東藩。爵在上列。身被輕煖。口厭百味。目極華靡。耳倦絲竹。爵重祿厚之所致也。退念古之受爵祿者。有異於此。皆以功勤濟國。輔主惠民。今臣無德可述。無功可紀。若此。終年無益國朝。將挂風人彼己之譏。是以上慙玄冕。俯媿朱紱。方今天下統九州。晏如頌。西尚有違命之蜀。東有不臣之吳。使邊境未得稅甲。謀士未得高枕者。誠欲混同宇內。以致太和也。故啟滅有扈。而夏功昭。成克商奄。而周德著。今陛下以聖明統世。將欲卒文武之功。繼成康之隆。簡良臣。能以方叔召虎之臣。鎮徧四境。爲國爪牙者。可謂當矣。然而高鳥未挂於輕繳。

淵魚求懸於鈞。何者。恐鈞射之術。或求盡也。昔耿弇不俟光武。亟擊張步。高不以賊遺於君父也。故車不伏劍。於鳴鼓。維門列首於齊境。若此。二子豈惑生而尚死哉。誠忿其慢上而陵君也。大君之寵臣。欲以除患興利。臣之事君。必殺身靜亂。以功報上也。昔賈誼弑冠。求試屬國。請係單于之頸。而制其命。終軍以妙年。便越。欲得長纓。書其上。羈致北闕。此二臣豈知爲今上而耀世俗哉。忠或繫結。欲逞才力。輪能於明君也。昔漢武爲霍去病治第。辭曰。匈奴未滅。臣無以家爲。聞大憂國忘家。捐軀濟難。忠臣之志也。人臣居外。非不厚也。而寢不安。席食不遑味者。伏以二方未克。爲念。伏見先帝武臣宿兵。年暮。卽世者有聞矣。雖賢不乏世。猶將舊卒。由習戰也。竊不

自量志在效命庶立毛髮之功以報所受之恩若使陛下出不世之詔致臣雖刀之用使得西虜人將軍當一校之隊若東虜大司馬純備師之任必乘危臨險馳角奮驪突刃觸鋒為士卒先雖不能會權誠冠庶將虜其雄率殲其醜類必受須臾之捷以滅終身之愧使名挂史筆事列朝策雖身分蜀境首懸吳闕猶生之年也如微才不試沒世無聞徒榮其軀而豐其體生無益於事死無損於數虛荷上位而奈重祿食息烏覩終於自首此徒罔平之養物非臣之所志也流聞東軍失備師徒小衄輟食并餐會之壞衽撫劔東顧而心已馳於吳會矣臣昔從先武皇帝南極赤岸東臨滄海西望北門北出玄塞伏見所以行軍用兵之勢可謂神妙矣故兵者不

可豫言臨難而制變者也志欲自救於明時立功於聖世每覽史籍觀古忠臣義士出一朝之命以殉國家之難身雖屠裂而功銘於景鐘名稱垂於竹帛未嘗不拊心而歎息也臣聞明主使臣不廢有罪故奔此敗軍之將用秦晉以成其功絕纒盜馬之臣赦楚趙以濟其難臣竊感先帝早崩威土弁世臣獨何人以堪長久常恐先朝露與溝壑墳土未乾而身名並滅臣聞騏驥長鳴伯樂昭其能盧狗悲號韓國知其才是以效之齊楚之路以逞千里之任試之殺兔之捷以驗搏噬之用今臣志狗馬之微功竊自惟度終無伯樂韓國之舉是以於邑而竊自痛者也夫臨博而企踈聞樂而竊拊者或有賞音而識道也昔毛遂趙之陪隸猶假錐囊之喻以寤

主立功何況巍巍大魏多士之朝而無慷慨死難之臣乎夫
自銜自媒者士女之醜行也于時求進者道家之明忌也而
臣敢陳聞於陛下者誠與國分形同氣憂患共之者也冀以
塵露之微補益山海螢燭末光增輝日月是以敢冒其醜而
獻其忠知必爲朝士所笑聖主不以人廢言伏惟陛下少垂
神聽臣則幸矣

求通親親表

曹植

臣植言臣聞天稱其高者以無不覆地稱其廣者以無不載
日月稱其明者以無不照江海稱其大者以無不容故孔子
曰大哉堯之爲君惟天爲大惟堯則之大人德之於萬物可
謂弘廣矣蓋堯之爲教先親後疏自近及遠其傳曰克明俊

德以親九族九族既睦平章百姓及周之文王亦崇敬化其
詩曰刑于寡妻至于兄弟以御于家邦是以雍雍穆穆風人
詠之昔周公弔管蔡之不咸廣封懿親以藩屏王室傳曰周
之宗盟異姓爲後誠骨肉之恩爽而不離親親之義是在敦
固未有義而後其君仁而遺其親者也伏惟陛下咨帝唐欽
明之德體文王翼翼之仁惠洽椒房恩昭九親羣臣自際番
休遞上執政不廢於公朝下情得展於私室親理之路通慶
弔之情展誠可謂恕已洽人推惠施恩者矣至於臣者人道
絕緒禁錮明時臣竊自傷也不敢乃望交氣類修人事敘人
倫近且婚媾不通兄弟永絕吉凶之間塞慶弔之禮廢恩紀
之違甚於路人隔閼之異殊於胡越今臣以一切之制永無

朝覲之望。至於注心皇極。結情紫闥。神明知之矣。然大實爲之。謂之何哉。退省諸王。常有戚戚具爾之心。願陛下沛然垂詔。使諸國慶問四節得展。以敘骨肉之歡。恩令怡怡之篤。義妃妾之家。膏沐之遺。歲得再通。齊義於貴宗等。惠於自司。如此。則古人之所歎。風雅之所詠。復存於聖世矣。臣伏自惟首無錐刀之用。及觀陛下之所拔授。若以臣爲異。竊自料度。不後於朝士矣。若得辭遠遊。戴武弁。解朱組。佩青紱。駟馬奉車。趣得一號安宅。京室執鞭。理筆出從。筆蓋入侍。輦轂承答。聖問拾遺。左右乃臣。丹情之至。願不離於夢想者也。遠慕此鳴。君臣之實。中詠棠棣。匪他之誠。卜思伐木。女牛之義。終懷蓼莪。罔極之家。每四節之會。塊然獨處。左右唯僕隸所對。唯

妻子高談。無所與陳。發義無所與展。未嘗不聞樂而拊心臨觴。而歎息也。臣伏以爲犬馬之誠。不能動人。譬人之誠。不能動天。崩城隕霜。臣初信之。以臣心。沈徒虛語耳。若葵藿之傾葉。太陽雖不爲之。迴光終向之者。誠也。臣竊自比葵藿。若降天地之施。垂三光之明者。寔在陛下。臣聞文子曰。不爲福始。不爲禍先。今之否。隔友于同。憂而臣獨唱言者。何也。竊不願於聖代。使有不蒙施之物。必有慘毒之懷。故柏舟有天災之怨。谷風有弃予之歎。伊尹恥其君不爲堯舜。孟子曰。不以舜之所以事堯事其君者。不敬其君者。也。臣之愚蔽。固非處伊。至於欲使陛下崇光被時雍之美。宜緝熙章明之德者。是臣。懷懷之誠。竊所獨守。寔懷鶴立企佇之心。敢復陳聞者。冀陛

下儻發天聰而垂神聽也

臣讓開府表

臣祐言臣昨出伏聞恩詔拔臣使同合司臣自出身以來適十數年受任外內每極顯重之地常以智力不可強進恩寵不可久謬夙夜戰慄以榮爲憂臣聞古人之言德未爲衆所服而受高爵則使才臣不進功未爲衆所歸而荷厚祿則使勞臣不勸今臣身託外戚事遭運會誠在過寵不患見遺而猥超然降發中之詔加非次之榮臣有何功可以堪之何心可以安之以身誤陛下辱高位傾覆亦尋而至願復守先人弊廬豈可得哉違命誠忤天威曲從卽復若此蓋聞古人出於見知大臣之節不可則止臣雖小人敢緣所蒙念存斯義

今天下自服化已來方漸八年雖側席求賢不遺幽賤然臣等不能推有德進有功使聖聽知勝臣者多而未達者不少假令有遺德於版築之下有隱才於屠釣之間而今朝議用臣不以爲非臣處之不以爲愧所失豈不大哉且臣本窮雖久未若今日兼文武之極寵等宰輔之高位也臣所見雖依據光祿大夫李喜秉節高亮正身在朝光祿大夫魯芝累身寡欲和而不同光祿大夫李胤治政弘簡在公正色皆服事華髮以禮始終雖歷內外之寵不異寒賤之家而猶未蒙此選臣更越之何以寒天下之望少益日月是以誓心守節無苟進之志今道路未通方隅多事乞留前恩使臣得速還屯不爾留連必於外虞有關臣不勝憂懼謹觸冒拜表惟陛下

察匹夫之志不可以奪

臣密言臣以險釁夙遭閔阨生孩六月慈父見背行年四歲

勇奪母志祖母劬愍臣孤弱躬親撫養臣少多疾病九歲不

行零丁孤苦至于成立既無叔伯終鮮兄弟門衰祚薄晚有

見息外無基功彊近之親內無應門五尺之僮笑笑獨立形

影相弔而劉夙嬰疾病常在牀蓐臣侍湯藥未曾廢離逮奉

聖朝沐浴清化前太守臣逸察臣孝廉後刺史臣榮舉臣秀

才臣以供養無主辭不赴會詔書特下拜臣郎中尋蒙國恩

除臣洗馬狼以微賤當侍東宮非臣隕首所能上報臣具以

表聞辭不就職詔書切峻責臣通慢郡縣逼迫催臣至道州

司臨門急於星火臣欲奉詔奔馳則劉病日篤欲苟順私情

則告訴不許臣之進退實爲狼狽伏惟聖朝以孝治天下凡

在故老猶蒙矜育況臣孤苦特爲尤甚且臣賦任僞朝歷職

郎署本圖宦途不矜名節今臣亡國賤俘至微至陋過蒙拔

擢寵命優渥豈敢盤桓有所希冀但以劉日薄西山氣息奄

奄人命危淺朝不慮夕臣無祖母無以至今日祖母無臣無

以終餘年母孫二人更相爲命是以區區不能廢遠臣密令

年四十有四祖母劉今年九十有六是臣盡節於陛下之日

長報劉之日短也烏鳥私情願乞終養臣之辛苦非獨蜀之

人士及一州牧伯所見明知皇天后土實所共鑒願陛下矜

愍愚誠聽臣微志庶劉德倖保卒餘年臣生當隕首死當結

草臣不勝人馬怖懼之情謹拜表以聞

人十謝平原內史表

陸機

昔臣陸機言今月九日魏都太守遣兼丞張含賞板詔書印綬假臣爲平原內史拜受祇竦不知所裁臣本出自敵國世無先臣宣力之効才非丘園耿介之秀皇澤廣被惠濟無遠擢自羣萃累蒙榮進入朝九載歷官有六身登三闕宦成兩宮服冕乘軒仰齒貴遊振景拔迹顧邀同列施重山嶽義足灰沒遭國顛沛無節可紀雖蒙曠濫臣獨何顏俛首頓膝憂愧若厲而橫爲故齊王所見枉陷誣臣與衆人共作禪文幽執固固當爲誅始臣之微誠不負天地倉卒之際慮有逼迫乃與弟雲及散騎侍郎表瑜中書侍郎馮熊尚書右丞崔

基廷尉正傾榮汝陰太守曹武思所以獲免陰蒙避趙崎嶇自列片言隻字不關其間事蹤筆跡皆可推校而朝翻然更以爲罪最爾之生尚不足委區區木懷實有可悲畏逼大威卽罪惟謹鉏口結舌不敢上訴所天莫大之譽且經聖聽肝血之誠終不一聞所以臨難慷慨而不能不恨恨者唯此而已重蒙陛下愷悌之宥廻霜收電使不隕越復得扶老攜幼生山獄戶懷命拖紫退就散輩感恩惟咎五情震悼踴天踏地若無所容不悟日月之明遂垂曲照雲雨之澤播及朽痺忘臣弱才身無足采哀臣零落罪有可察苟削丹書得夷平民則塵洗天波謗絕衆口臣之始望尚未至是猥辱人命顯授符虎使春枯之條更與秋蘭垂芳陸沉之羽復與鸞鴻

撫養雖安國免徒起。紙青相張敵亡命坐致。朱軒方臣所荷。未足爲泰。豈臣蒙垢含吝所宜。奈竊非臣毀宗夷族所能。上報喜懼參并。悲慚哽結。拘守常憲。當便道之官。不得來身。奔走稽顙。城闕瞻係天衢。馳心輦轂。臣不勝屏營延仰。謹拜表以聞。

勸進表

劉琨

建興五年三月癸未朔十八日辛丑。使持節散騎常侍都督河北并冀幽三州諸軍事領護軍匈奴中郎將司空并州刺史廣武侯臣琨。使持節侍中都督冀州諸軍事撫軍人將軍黃州刺史左賢王渤海公臣匹碑。頓首死罪。書。臣琨。臣匹碑。頓首頓首。死罪。臣聞天生蒸民。樹之以君。所以對越

天地。司牧黎元。聖帝明王。鑒其若此。知天地不可以。饗故。屈其身以奉之。知黎元不可以無主。故不得已而臨之。社稷時難。則戚藩定。其頌郊廟。或替則宗祫纂。其祀所以弘振遐風。式固萬世。三五以降。靡不與之。臣現臣匹碑。頓首頓首。死罪。死罪。伏惟高祖宣皇帝。肇基景命。世祖武皇帝。遂造區夏。三葉重光。四聖繼軌。惠澤俾於有虞。上年過於周氏。自元康以來。艱禍繁興。永嘉之際。氛厲彌昏。宸極失御。昏遐醜。齊國家之危。有若綬旒。損先后之德。宗廟之靈。皇帝崩。建。舊物。元甄誕授。欽明服膺。聰哲玉質。幼彰金聲。夙振家宰。攝其綱。白辟輔其治。四海想中興之美。羣生懷來蘇之望。不圖人不悔禍。大災荐臻。國未忘難。寇害尋興。逆胡割據。縱逸西都。敢肆

犬羊凌虐天邑臣等奉表使還仍承西朝以去年十月不
守上幽劫復沉虜廷神器流離再辱荒逆臣每覽史籍觀
之前載厄運之極古今未有苟在食土之毛含氣之類莫不
叩心絕氣行號甚哭況臣等荷寵三世位廁鼎司承問震惶
精爽飛越且悲且惋五情無主東哀朔垂下泣血臣現臣
匹礪頓首頓首死罪死罪臣聞昏明迭用否泰相濟人命木
政歷數有歸或多難以固邦國或殷憂以啟聖明是以齊有
無知之禍而小白爲五伯之長晉有驪姬之難而重耳上諸
侯之盟禮稷靡安必將有以扶其危黔首幾絕必將有以繼
其緒伏惟陛下玄德通於神明聖姿合於兩儀應命世之期
紹千載之運人符瑞之表天人有徵中興之兆圖讖垂典自

京畿阻懷九服崩離天下驚然無所歸懷雖有復之遊夷并
宗茹之離夫戎茂以過之陛下撫寧江左奄有舊吳求服以
德伐叛以刑抗明威以攝不類仗大順以肅宇內純化既敷
則率上宅心義風既暢則遐方企踵自揆時序於上四門穆
穆於下昔少康之隆夏訓以爲美談官王之興周詩以爲休
詠況茂勳格于皇天清輝光于四海蒼生隴然莫不欣戴聲
教所加願爲臣妾者哉且宣皇之德唯有陛下億兆攸歸豈
無與二天祚大晉必將有主上晉祀者非陛下而誰是以
無異言遠無異望謳歌者無不吟詠徽猷獄訟者無不思
聖德天地之際既交華裔之情允洽一角之獸連理之木以
爲休徵者益有百數冠帶之倫要荒之衆不謀而同辭者動

以萬計是以臣等敢考天地之心因雨夏之趣味死以上等
號願陛下存舜禹至公之情狹集田抗矯之節以社稷為務
不以小行為先以黔首為憂不以克讓為事上以愬宗廟乃
顧之懷不以釋溥人傾首之望則所謂生繁華於枯莖育豐
華於利宿神人獲安無不幸甚臣瑁臣四碑頓首頓首死罪
死罪臣聞尊位不可久虛萬機不可久曠虛之一日則尊位
以殆曠之浹辰則萬機以亂方今鍾自土之李當陽九之會
我寇窺窬伺國取隙齊人波蕩無所繫心安可以廢而不恤
哉陛下雖欲逡巡其若宗廟何其若百姓何皆患公虜蔡首
國震駭臣卻之謀欲立子圍外以絕敵人之志內以固國境
之情故曰臣君有君羣臣懼穆好我皆勤恐我者懼前事之

不忘後代之元龜也陛下明並日月無不爛深謀素慮出
自胃懷不勝人馬憂國之情遑視人神開泰之路是以陳其
乃誠布之執事臣等各忝守方任職在遐外不得陪列闕庭
共觀盛禮踊躍之懷南望門極謹上臣瑁謹遣兼左長史右
司馬臣溫嶠主簿臣辟問訓臣四碑遣散騎常侍征虜將軍
清河太守領右長史高平亭侯臣榮劬輕車將軍關內侯臣
郭穆奉表臣瑁臣四碑等頓首頓首死罪死罪

為吳令謝詢求為諸孫置守家人表
張峻

臣聞成湯革夏而封杞武王入殷而建宋春秋征伐則晉修
虞祀燕祭齊廟夫一國為一人興先賢為後愚廢誠仁聖所
哀悼而不忍也故三王敦繼絕之德春秋貴柔服之義昔漢

高受命。追存八國。凡諸絕祚。一時並祀。親與項羽對爭存亡。逮羽之死。臨哭。大吏將以位嘗侔。尊力嘗均。勢雖功奪。其成而恩與其敗。日與典。疾顛禮之。若舊殘戮之尸。乃以公葬。若使羽位承前緒。世有哲王。一朝力屈。全身從命。則楚廟不墮。有後可冀。伏惟人晉應天順人。武成止戈。西戎有卽序之人。京邑開夷蜀之館。典滅加乎萬國。繼絕接乎百世。雖三五弘道。商周稱仁。泮泮之美。木足以喻。是以孫氏雖家失。吳祚而族蒙晉榮。子弟量才。比肩進取。懷金佩服。青千里。當時受恩。多有過望。中開春雨。潤木自葉。流根鳴鳴。恤功愛下。及室故天稱罔極之恩。聖有綢繆之惠。追惟吳僞。武烈皇帝。遭漢室之弱。值亂臣之彘。首唱我兵。先衆犯難。破軍卓於陽人。流

神器於甄。并威震羣。後名顯往朝。桓王才武。弱冠承業。招百越之上。奮鷹揚之勢。西赴許都。將迎幼主。雖元勳未終。然至忠已著。夫家積義勇之基。世傳扶危之業。進爲狗漢之臣。退爲開吳之主。而蒸嘗絕於二葉。國陵殘於新采。臣竊悼之。伏見吳平之初。明詔追錄先賢。欲封其墓。愚謂二君並宜。應書故舉。勞則力輸。先代論德。則惠存江南。正刑則罪非晉寇。從至則異世已輕。若列先賢之數。蒙詔書之恩。裁加表異。以寵亡靈。則人望克厭。誰不日宜。二君私奴。多在墓側。今爲平民乞差五人。蠲其徭役。使四時修護。覆毀掃除。塗壘。永以爲常。議中書監表

庾亮

臣亮言。臣凡庸固陋。必無檢操。昔以中州多故。舊邦喪亂。隨

侍先臣遠庇有道。爰容逃難求食而已。不悟邀時之福。遭遇嘉運。先帝龍興。垂異常之顧。既眷同國士。又申之婚姻。遂階親寵。累忝非服。羽冠濯纓。沐浴玄風。頻繁省闕。出領六軍。十餘年間。位超先途。無勞被遇。無與臣比。小人祿薄。福過災生。止足之分。臣所宜守。而偷榮昧進。日爾一日。謗譏既集。上塵聖朝。始欲自閔。而先帝登遐。區區微誠。竟未上達。陛下踐阼。聖政維新。宰輔賢明。庶泰咸允。康哉之歌。實在至公。而國恩不已。復以臣領中書。則示天下以私矣。何者。臣於陛下。后之兄也。如姬之嫌。實與骨肉中表不同。雖太上至公。聖德無私。然世之喪道。有自來矣。悠悠六合。皆私其姻者也。人皆有私。則謂天下無公矣。是以前後一漢。咸以抑后黨安。進婚族危。

向使西京七族。東京六姓。皆非姻黨。各以平進。縱不悉全。決不盡敗。今之盡敗。更由姻昵。臣歷觀庶姓在世。無黨於朝。無援於時。植根之本。輕也薄也。苟無大瑕。猶或見容。至於外戚。憑託天地。勢連四時。根援扶疎。重矣大矣。而財居權寵。四海側目。事有不允。罪不容誅。身既孤殃。國爲之敝。其故何耶。直由婚媾之私。奉情之所。不能免。故率其所嫌。而嫌之於國。是以疏附則信。姻進則疑。疑積於百姓之心。則禍成重關之內矣。此皆往代成鑒。可爲寒心者也。夫萬物之所不通。聖賢因而不奪。冒親以求一才之用。未若防嫌以明公道。今以臣之才。兼如此之嫌。而使內處心膂。外總兵權。以此求治。求木之聞也。以此招禍。可立待也。雖陛下二相。明其愚款。朝上百寮。頗

識其情。天下之人。何可門到戶說。使皆坦然。耶。人富貴寵榮。臣所不能忘也。刑罰貧賤。臣所不能甘也。今恭命則愈違命。則苦。臣雖不達何事。肯時違上。自貽患責哉。仰覽殷鑒。量已知弊。身不足惜。爲國取侮。是以慳慳屢陳。丹款而微誠淺薄。未垂察諒。憂惶屏營。不知所厝。以臣今地。不可以進明矣。且違命已久。臣之罪又積矣。歸骸私門。以待刑書。願陛下垂天地之鑒。察臣之愚。則雖死之日。猶生之年矣。

薦譙元彥表

桓溫

臣聞太朴既虧。則高尚之標顯。道喪時昏。則忠貞之義彰。故有洗耳投淵。以振玄邈之風。亦有秉心矯跡。以敦在三之節。是故上代之君。莫不崇重斯軌。所以篤俗訓民。靜一流競。伏

惟大晉。應符御世。運無常通。時有屯蹇。神州丘墟。三方圯裂。鬼置絕響於中林。白駒無聞於空谷。斯有識之所悼。心人雅之所歎。息者也。陛下聖德嗣興。方恢天緒。臣昔奉役。有事西土。鯨鯢既懸。思宣大化。訪諸故老。搜揚潛逸。庶武羅於羿浞之墟。想王蠋於亡齊之境。竊聞巴西譙秀。植操貞固。抱德肥遯。揚清渭波。于時皇極。遭道消之會。羣黎蹈顛沛之艱。中華有顧瞻之哀。幽谷無遷喬之望。凶命屢招。姦威仍逼。身寄虎吻。危同朝露。而能抗節玉立。誓不降辱。杜門絕跡。不向僞庭。進免冀勝亡身之禍。退無薛方詭對之譏。雖園綺之棲商洛。管寧之默遼海。方之於秀。殆無以過。于今西土。以爲美談。夫旌德禮賢。化道之所先。崇表殊節。聖哲之上務。方今六合未

康豺豕當路遺黎偷薄義聲不聞益宜振起道義之徒以救
流遷之敵若秀蒙蒲帛之徵足以鎮靜頽風軌訓羣俗幽遐
仰流九服知化矣

解尚書表

殷仲文

臣聞洪波振壑川無恬鱗驚飈拂野林無靜柯何者勢弱則
受制於巨力質微則莫以自保於理雖可得而言於臣寔所
敢輸昔劉玄之世誠復驅迫者衆至於愚臣罪實深矣進不
能見危授命忘身殉國退不能辭粟首陽拂衣高謝遂乃宴
安昏寵叨昧僞封錫文纂事會無獨固名義以之俱淪情節
自茲兼撓宜其極法以判忠邪鎮軍臣裕匡復社稷大弘善
貸佇一戮於微命申三驅於大信既惠之以首領復引之以

繫維于時皇興否隔天人未泰用忘進退唯力是視是以僂
俛從事自同全人今宸極反正惟新告始憲章旣明品物思
舊臣亦胡顏之厚可以顯居榮次乞解所職待罪私門違謝
闕庭乃心愧戀謹拜表以聞

爲宋公至洛陽謁五陵表

薄亮

臣裕言近振旅河湄揚旂西邁將屆舊京威懷司維河流滿
疾道阻且長加以伊洛榛蕪津塗久廢伐木通徑淹引時月
始以今月十二日次故洛水浮橋山川無改城闕爲墟宮廟
隳頽鐘簾空列觀宇之餘鞠爲禾黍屢里蕭條雞犬罕音感
舊永懷痛心在目以其月十五日奉謁五陵墳塋幽淪百年
荒翳天衢開泰情禮獲申故老掩淚三軍悽感瞻拜之日憤

慨交集行河南太守毛修之等既開荆棘繕修毀垣職司
既備蕃衛如舊伏惟聖懷遠慕兼慰不勝下情謹遣傳詔殿
中中郎臣某奉表以聞

爲宋公求加贈劉前軍表

傅亮

臣聞崇賢旌善王化所先念功簡勞義深追遠故司勳秉策
在勤必記德之休明沒而彌著故尚書左僕射前軍將軍臣
劉穆之委白布衣協佐義始內竭謀猷外勤庶政密勿軍國
心力俱盡及登庸朝右尹司京畿敷讚百揆翼新大猷頃戎
車遠役居中作捍撫寧之勳實洽朝野識量局致棟幹之器
也。方言讚盛化緝隆聖世志績未究遠邇悼心皇恩褒述班
同三事榮哀既備寵靈已泰臣伏思尋自義熙草創艱患未

弭外虞既殷內難亦存時屯世故靡有寧歲臣以寡劣負荷
國重實賴穆之匡翼之勳豈惟讜言嘉謀溢于民聽若乃忠
規密謨潛慮帷幙造膝詭辭莫見其際事隔於皇朝功隱於
視聽者不可勝記所以陳力一紀遂克有成出征入輔幸不
辱命微夫人之左右未有寧濟其事者履謙居寡守之彌固
每議及封爵輒深自抑絕所以勳高當年而茅土弗及無事
永念胡寧可昧謂宜加贈正司追甄上宇俾忠貞之烈不泯
於身後大資所及永秩於善人臣契關屯夷旋觀終始金蘭
之分義深情感是以獻其乃懷布之朝聽所啟上合請付外
詳議

爲齊明皇帝作相讓宣城郡公第一表

臣鸞言被臺司召以臣為侍中中書監驃騎大將軍開府儀

同三司揚州刺史錄尚書事封宣城郡開國公食邑三千戶

加兵五千人臣本庸才智力淺短太祖高皇帝篤猶子之愛

隆家人之慈世祖武皇帝情等布衣寄深同氣武皇大漸實

奉話言雖自見之明庸近所蔽愚夫一至偏識量已實不忍

自因於綴衣之辰拒違於玉几之側遂荷顧託導揚末命雖

嗣君素常獲罪宣德王室不造職臣之由何者規則東牟任

惟博陸徒懷于孟社稷之對何救昌邑爭臣之譏四海之議

於何逃責且陵土未乾訓誓在耳家國之事一至於斯非臣

之尤誰任其咎將何以肅拜高寢虔奉武園悼心失圖泣血

待旦寧容復徼榮於家恥宴安於國危驃騎上將之元勳神

州儀刑之列獄尚書古稱司會中書實管王言且虛飾寵章

委成禦侮臣知不恢物誰謂宜但命輕鴻毛責重山嶽存沒

同歸毀譽一貫辭官不減身累增一職已曠朝經便當自

同體國不為飾讓至於功均一匡賞同千室光宅近甸奄有

全邦隕越為期不敢聞命亦願曲留降鑿即垂順許鉅平之

懇誠彌固永昌之丹慊獲申乃知君臣之道綽有餘裕苟比

易昭敢守難奪故可庶心弘議酌已親物者矣不勝荷懼屏

營之誠謹附某甲奉表以聞

為范尚書讓吏部封侯第一表

任昉

臣雲言被尚書召以臣為散騎常侍吏部尚書封膏城縣開

國侯食邑千戶奉命震驚心顏無措臣雲臣素門凡流輪翻
無取進謝中庸退慙狂狷回嘗鑽厲求學而一經不治摹刻
爲文而三冬靡就負書燕魏空殫菽粟躡屨齊楚徒知貧賤
旣而分虎出守以囊被見嗤持斧作牧以慧改興謗楮衣爲
虜見獄吏之尊除名爲民知井白之逸百年上壽旣曰徒然
如其誠說亦以過半亂離斯瘼欲以安歸閉門荒郊再雜寒
暑兼以東臯數畝控帶朝夕關外區悵望鍾阜雖室無趙
女而門多好事祿微賜金而歡同娛老折芟嬌枯此焉自足
陛下應期萬世接統千祀三千景附八百不謀臣蠶等離心
功慙同德泥首在顏輿棺未毀縮構草昧敢以犬功獄訟詭
歌示同民志而隆器大名一朝總集願已及躬何以臻此政

當以按閉白水列宅舊豐忘捨講之尤存諸公之費俯拾青
紫豈待明經臣雲夫銓衡之重關諸隆替遠惟則哲在帝猶
難漢魏以降逢識繼軌雅俗所歸唯稱許郭拔十得五尚曰
比肩其餘得失未聞偶察童幼天機暫發顧無足算在魏則
毛玠公方居晉則山濤識量以臣况之一何遼落齊季陵寢
官方淆亂鴻都不綱西園成市金章有盈筭之談華紹深不
足之歎草創惟始義存改作恭已南面責成斯在豈宜妄加
寵私以乏王事附蟬之飾空成寵章求之公私授受交失近
世侯者功緒參差或足食關中或成軍河內或制勝帷幄或
門人加親或與時抑揚或隱若敵國或策定禁中或功成野
戰或盛德如卓茂或師道如桓榮或四姓侍祀已無足紀五

侯外戚且非舊章而臣之所附唯在恩澤既義異嗜肅實榮
平儒者雖小人貪幸豈獨無心臣本自諸生家承素業門無
富貴易農而仕乃祖玄平道風秀世爰在中興儀刑多士位
裁元凱任止牧伯高祖少連夙秉高尚所富者義所乏者時
薄宦東朝謝病下世先志不忘愚臣是庶且去歲冬初國學
之亡博士耳今茲首夏將亞冢司雖千秋之一日九遷苟爽
之十旬遂至方之微臣未爲速途臣雖無識唯利是視至於
虧名損實爲國爲身知其不可不敢妄冒陛下不棄庸鄙愛
同絲麻儼平生之言猶在聽覽宿心素志無復貳辭於臣所
乞特廻籠命則彝章載穆微物知免臣今在假不容請省不
狂荷懼之至謹奉表以聞

爲蕭揚州作薦士表

任昉

臣王言臣聞求賢暫勞垂拱永逸方之疏壤取類導川伏惟
陛下道隱旒纒信充符璽六飛同塵五讓高世白駒空谷振
鷺在庭猶懼隱鱗卜祝藏器屠保物色關下委裘河上非取
製於一狐諒求味於兼采而五聲倦響九工是詢寢義廟堂
借聽輿阜臣位任隆重義兼家邦實欲使各實不違微倖路
絕勢門上品猶當格以清談英俊下僚不可限以位貌竊見
秘書丞琅邪臣王暕年二十一字思晦七葉重光海內冠冕
神清氣茂允迪中和叔寶理遣之談彥輔名教之樂以輝
映先達領袖後進居無塵雜家有賜書辭賦清新屬言玄遠
室遠人曠物疎道親養素丘園台階虛位庠序公朝萬夫傾

望豈徒荀令可想李公不亡而已哉前晉安郡候官令東海
王僧孺年三十五理尚棲約思致恬敏既筆耕爲養亦傭書
成學至乃集螢映雪編蒲緝柳先言往行人物雅俗甘泉遺
儀南宮故事畫地成圖抵掌可述豈直彪鳳有必對之辯竹
書無落簡之謬唼坐鎮雅俗弘益已多僧孺訪對不休質疑
斯在並東序之秘寶瑚璉之茂器誠言以入廢而才實世資
臨表悚戰猶懼未允不任下情

爲褚諮議秦讓代兄襲封表

任昉

臣蔡言昨被司徒符仰稱詔旨許臣兄賁所請以臣襲封南
康郡公臣門籍勳蔭光錫土宇臣賁世載承家允膺長德而
深鑿止足脫屣千乘遂乃速謬推恩近萃庸薄能以國讓弘

義有歸匹夫難奪守以勿貳昔武始迫家臣之策陳陽感鮑
生之言張以誠請丁爲理屈且先臣以大宗絕緒命臣出纂
傍統稟承在昔理絕終天永愜情事觸目崩隕若使貴高延
陵之風臣忘子臧之節是廢德舉豈曰能賢陛下察其丹款
特賜停絕不然投身草澤苟遂愚誠爾不任丹慊之至謹請
開拜表以聞臣誠惶誠恐

爲范始興作求立太宰專表

任昉

臣雲言原夫存樹風猷沒著微烈既絕故老之口必資不刊
之書而歲諸名山則陵谷遷貿府之延閣則青編落簡然則
配天之迹存乎泗水之上素王之道紀於沂川之側由是崇
師之義擬跡於西河尊主之情致之於堯禹故請履安啟必

窮鑄勒之盛君長一城亦盡刊刻之美況乎魏樹周不孕育
伊顏故太宰竟陵文宣王臣某與存心則義形而稷嚴天
配帝則周公其人體國端朝出藩入守進思必告之道退無
苟利之專五穀以倫百揆時序若夫一言一行感德之風琴
書藝業述作之茂道非兼濟事止樂善亦無得而稱焉人之
云亡忽移歲序馬鳴東徙松楸成行六府巨僚三藩士女人
蓄油素家懷必筆瞻彼景山徒然望慕昔晉氏初禁立碑魏
舒之亡亦從並列而阮略既泯故首旨嚴科為之者竟免刑
戮置之者入蒙加歎至於道被如仁功參微管本宜在常均
之外故太宰淵本相擬親賢並軌即為成規乞依公前例
賜許刊立寧容使長想九原懋蘇罔識其禁駐蹕長陵猶軒
不知所適臣里閭孤賤才無可甄值齊網之弘弛賓客之禁
策名委質忽焉一紀慮先犬馬厚恩不答而敝帷毀蓋未蒙
螻蟻珠補玉匣遽飾幽泉陛下弘獎名教不隔微物使臣得
駿奔南浦長號北陵既曲逢前施實仰覬後澤儻驗杜預山
頂之言庶存馬駿必拜之感臨表悲懼言不自宣

部	文	學
卷	151	81
冊	12	
年	中華民國	
月	日	

